

9 EPISTOLA

ANATOMICA, PROBLEMATICA

OCTAVA.

Authore

JOHANNE HENRICO GRÆTZ,

Ad Virum Clarissimum

FREDERICUM RUYSCHIUM,

Med. Doct. Anatomiae ac Botanices Professore.

DE

Structura Nasi Cartilaginea, vasis sanguiferis Arteriosis
Membranæ & Cavitationis tympani & ossiculorum auditus
eorumque perioestio.




AMSTELÆDAMI,

Apud JOANNEM WOLTERS, 1697.

C E L E B E R R I M E

E T

E X P E R I E N T I S S I M E V I R ,

Fautor Venerande.

Natomicam scientiam qui in sola nominum cognitione constituunt, putantes illam perfectam, cognitis partium appellationibus, inspectisque earum figuris, impetrari posse, breve temporis spatium illi addiscendæ impendunt atque decernunt. Hanc ideo ex libris, spretis neglectisque omnibus sectionibus, protrahere fatagunt, iudiciiue sui libertatem cæca fide Authorum submitunt authoritati. Huic docendæ quadrare credo viam illam egregiam & facilem, quam se adinvenisse vane gloriatur *Blankardus sub init. Anatom. Cap. I.* quaque mediante se totam Anatomiam brevi dierum spatio tyronibus monstrare posse jactitat. Quis enim alios in sectionibus exercere posset, cum nullam ipse unquam celebravit Anatomiam, cum, quicquid boni suo scripto anatomico inseruit, non propriæ autopsiæ, sed aliorum omnino debeat industriæ?

Alii autem, eam demum veram & solidam scientiam Anatomicam judicantes, quæ non ex solis Anatomicorum libris, sed ex Cadaveribus humanis indefesso studio eruitur, opus clamitant immensi laboris, neque unius hominis vel seculi. Adeo ut Anatomix exortum atque incrementum à retroactis pluribus ævis altius repetens, mirari cogatur limites ejus antea nimis circumscriptos per industriam variorum Antistitum æterna laude dignam in immensum, non tamen ad extremum usque,

ampliatos; Insuper ipsum Anatomæ objectum intuens, multa incognita, multa obscura, multa dubia ibi deprehendat, quorum scrutinia posterorum etiam laceffent operam.

Me quod attinet, ab eo tempore, quo præstantissimæ huic scientiæ studia mea, meque totum devovi, lætandi sæpui arripui occasionem, si quædam ex voto mihi indaganti succederent, tristitia vero hæud raro totus turbatus fui, dum profundius abdita cultrum meum & labores fugerent, eatenus tamen semper felix, quod de exoptatissima in subjectis humanis conatus meos sæpius reiterandi occasione gaudere queam, Teque, Vir Celeberrime, nactus sim fautorem, quem in casu ancipiti consulere, seu privatim, seu publice, liceat. Etenim nunquam vel à Te recessi, vel publicum ad literas meas tuli responsum, quin de dubiis mihi exemptis, ignotis patefactis, iteratisque favoris & benevolentiae signis certus esse & lætari potuerim.

Quod cum in memoriam redigo, tantum spei & fiduciæ in tuam, Vir Celeberrime, ponere humanitatem cogor, ut dubitare nullatenus queam, quin hicce meus, Te tertia vice compellendi, ausus gratus & acceptus Tibi futurus sit.

Atque nuper quidem à Te mihi exhibitus *Nasus*, pro Cartilagineæ portionis divisionibus, septique narium constitutione accuratius lustrandis præparatus, ansam mihi dedit subolfacendi, latere hic quædam oppido obvia, ab aliis vel non visa, vel ut superficialia neglecta. Qua in re plenius confirmabar, cum Authorum monumenta cum tuis observationibus paulo studiofius conferrem. Hactenus enim ex omnibus, quos consulere mihi per otium licuit, scriptoribus, nihil aliud intelligere potui, quam *substantiam Nasi cartilagineam* in quinque diffindi partes. Sic apud *Bartholin. Anatom. lib. III, Cap. x p. m. 350.* leguntur sequentia: *Cartilagines substantiam constituunt inferioris partis Nasi, suntque quinque. Quæ supremæ latiores nasi ossibus adherent, & quo magis descendunt, eo molliores fiunt, adeo ut Nasi extremum substantiam habeat quasi partim cartilagineam, partim ligamentosam. Tertia inter has media, septum constituit vel interstitium inter utrumque nasi foramen. His apponuntur aliæ duæ pinnae constituentes, & per membranosa ligamenta colligantur.* Eædem Tabulas Cl. Bidloi obvolvunt.

vunt tenebræ , repetitque ipse Author cantilenam toties ab aliis ad tædium usque cantatam , sic enim modulatur *Tab. XII. Part. I. Ex quintuplici cartilaginum appositione inferioris Nasi facies composita est : quæ omnes uno cartilaginis varie divise nomine intelligi possunt . Superiores duæ , nasi ossibus adherentes , mediam tertiam sive septum & laterales duas , Alas admittunt . Omnes hæ cartilagines membranaceo involutro investuntur .*

Quantamne præterea in me excitasti admirationem , quando Tecum intuebar artificiosissimam *Organi auditus interni* structuram ? Tympani nimirum membranæ planum extensum , Ossiculorum quatuor mechanica catenula atque naturalis connexio , Labyrinthi semicirculares tres excavationes , Cochleæ spirales convolutiones , & quæ plura tunc notatu digna oculis meis subiciebas , jucundo me , fateor , delectabant spectaculo , notabamque insimul nonnulla , etiam ab accuratioribus hujus organi , indagatoribus haud descripta . Non equidem me latet , *Du Verneyi & Schelhammeri* industriam ossæ hujus partis vere dædaleam fabricam , Nervorumque ibidem demersorum intricatas diramificationes ex intimis etiam cavernulis protraxisse & in apricum posuisse ; sed mirabar simul à Celeberrimis illis viris , de Anatomicis bene meritis & indies merentibus , traditam vasorum sanguineorum , ibidem magno luxuriantium numero , tractationem adeo superficiariam & quandoque mere conjecturalem , cum tamen illam non minus utilem atque necessariam esse vel id testetur , quod omnem inde vitam , omneque nutrimentum accipiant hæ partes . Vix enim attendi debere mihi videtur illa *Dn. Profess. Bidloi* opinio , etiam ex cathedra nuper , pluribus auditoribus præsentibus , promulgata , vasorum scil. sanguineorum operosum illud examen & accuratam eorum in cunctis partibus reptatus descriptionem de nihilo , prorsusque supervacuum esse , eo quod ratum firmumque jam sit , omnes partes iisdem scatere , quia nutriuntur ; Cum assumpto illo ratiocinio alias tota etiam Neurologia inutilis reddatur , quæ tamen ut maximi laboris , ita etiam summi usus est , quia nervorum per omnes corporis partes distributio pari probabilitate ex earundem nutritione & sensu concluditur .

Abfit tamen ille à dictis meis sensus, quasi prælaudati Viri omnes Arterias & Venas Auris internæ partibus denegarint, aliter enim constare ex illorum scriptis poterat. Quippe *Dnns. Du Verney* plusquam accurate illorum vasorum ortus & diramificationes describere videtur, pronunciat enim, *cavitatem Tympani inductam membrana, in quam vasa bene multa sparguntur, quorum aliqua filamenta sunt rami istius Carotidis, qui in duram Matrem distribuitur, cætera vero vasa filamenta sunt illorum, quibus inductæ sunt membrana, quæ apophysis mastoidis sinuositates tegunt. Quid quod? eadem vasa depicta exhibeat Figur. I. Tab. IX. Mallei vero & incudis substantiam foraminibus quibusdam perviam esse, quæ aditum præbent vasculis, quæ nutrimentum ad ea deferunt, dicit, tandemque ipsam Cochleam & Canales semicirculares suis Arteriis & Venis haud privat, juxta Illum enim, Arteria illa, quæ in Cochleam intrat, ramum notabilem communicat Vestibulo, qui iterum ibi bisulcus evadit, dextrorsum & sinistrorsum tendens. Duo isti rami subdividuntur communiter iterum in duos alios, quorum unus per portam vestibuli, duobus Canalibus semicircularibus communem intrat & in duo filamenta disspescitur, quæ in interiora horum canalium sparguntur: Ramusculus alter per portam Canalis medii superiorem intrat, & per alteram ejusdem portam in vestibulum revertitur. Ramusculorum horum in multis vestibuli interioris locis fit anastomosis. Venæ pari modo distribuuntur, addit vero horum vasorum delineationem Tab. X. Fig. VII. VIII. Idem Celeberrimus Author.*

Clarissimus verò Dominus *Schelhammer* vasorum sanguineorum ad auris interna diramificationis nullam quidem specialem adjicit descriptionem, dicit tamen *Part. I. Cap. III. §. X.* illa in *Aurem penetrare manifestum esse, cum in recentibus cadaveribus membranule, internam Conchæ superficiem vestientes, præ illis totæ rubcant.* Negat vero *Vesalio*, vasa illa admitti per illud foramen, per quod egreditur dura portio nervi auditorii, quod est inter apophyses mastoidem & styloiden, quodque verum *Aqueductum Fallopii* esse *Part. I. Cap. IV. §. XI. XII.* non minus solide demonstrat, quam clare ostendit *Cap. III. §. XI.* alium illum ex Aure ad palatum tendentem, ductum *Eustachianum* appellandum esse.

Verum enim vero, si ab una parte hæc Illorum Virorum de-

descriptions & delineationes, ab altera verò accuratius intueor vasa illa omnia stupendo Tuo artificio cerâ rubrâ repleta, non parva mihi apparet differentia inter illorum & horum reptatum, manifesto indicio, mentis potius oculis Anatomicos illos dicta vasa vidisse, & imaginatione, ubi sensus deficiebant, reliqua supplevisse.

Insuper quod cum *Spigelio* aliisque *Nobile hocce par Virorum* statuatur, *Officula auditus membrana periostrii carere*, cum natura & usu illius membranæ pugnare mihi videtur. *Natura* quippe *Periostrii* juxta accuratissimum Dominum *Cloptonem Havers Osteolog. nov. Discurs. 1. p. m. 18. & seqq.* talis est, ut duplici fibrarum serie dotetur, quarum inferiores à dura matre derivantur, rectoque ductu incedunt, superiores verò à tendinibus musculorum oriuntur, nullumque regularem obtinent situm, à duplici autem hocce periostrii fonte adeo remota non sunt officula auditus, quin potius eidem proxima; *Usus* vero præprimis sex offibus *periostrium* ex mente ejusdem *D. Havers p. m. 29. seqq.* præstat, primo, ut tegat ossa, secundo, ut convehat spiritus in ossium substantiam, eaque sensibilia reddat, tertio, ut ponat ossium augmento limites, quarto, ut adjuvet conjunctiones ossium eorumque Epiphysium, quinto, connectat firmiter capita & tendines musculorum cum offibus, sexto, ut ob sensibilitatem defendat ossa ab injuriis externis, quorum sane usuum neutro præ reliquis corporis humani offibus carere possunt hæcce auditus officula. Etsi enim *Dominus Schelhammer Part. III. Cap. IV. §. XIII.* ex eo, quod periostrio reliquis offibus concessio, natura simul sensum illis dare voluerit, ne quid subito & velut ex insidiis læderet, aut nobis imprudentibus corrumparentur, concludat, officula tali integumento opus non habere, quia neque ab externo malo ipsis quicquam erat metuendum, utpote in intima ossium cavitate absconditis, nec acer humor illis illabi potest, cum in interno aëre suspensa librentur. Deprehendo nihilominus in dicto ratiocinio insufficientem usuum periostrii recensitionem. alteriusque momenti, in quo tamen cardo rei vertitur, superficiariam probationem, scil. officula auditus ita recondita esse in interioribus auris partibus, ut ab omnibus injuriis, tum aëris, tum humoris acris, tuta & libera

existant, cum contrarium mihi persuadeant, continua aëris in Concha contenti restauratio per ductum Eustachianum, humoris in eadem cavitate observata quantitas, sat pro proportionem copiosa, aliaque multa, brevitatis gratia hic reticenda.

Ast ne in enarrandis dubiis meis, quæ ex lectis Anatomicorum libris, & visis tuis accuratis & nitidissimis præparatis mihi suborta sunt, prolixior sim, Teque à magis necessariis detinendo, in publica commoda, quæ usque adeo cordi curæque Tibi sunt, peccem, id solummodo me illis intendere profiteor, ut ob oculos Tibi, Vir Celeberrime, ponam, quæ incerta & incognita sunt, quorum accuratior descriptio ab omnibus candidis rerum anatomicarum Amatoribus unanimi voto desideratur, & insimul humanissime à Te petam, ut ea, quæ circa *cartilaginea Nasi substantiæ divisiones, Septique narium figuram, vasa sanguinea per omnes auris internæ plagas nec non Tympani membranam dispersa, ut & Ossiculorum auditus periosmium* indefesso labore & felici autopsia concepisti, erudito orbi haud diutius invidere, sed accuratissimis tuis delineationibus & explicationibus nota reddere & illustrare velis.

Hiscæ, ut quam felicissime valeas, meque, Te colentem & amantem, tuo amore foveas, voveo & rogo

Celeberrime Vir

Amstelodam. die 1 Nov.
Anno 1696.

Tuus observantissimus Cultor

JOHANNES HENRICUS GRÆTZ.

FREDERICI RUYSCHII RESPONSIO

Ad Virum Expertissimum

JOHANNEM HENRICUM GRÆTZ,

In Epistolæ ejus Anatomicæ, Problematicæ

DE

Structura Nasi Cartilaginea, vasis sanguiferis Arteriosis
Membranæ & Cavitationis tympani & ossiculorum auditus,
horumque perioestio.

Experientissime Vir.



Scilicet est, vera atque genuina scientia Anatomica non ex solâ librorum lectione, neque ex cadaverum sectione unicè haurienda, sed utriusque studii amicabile requiritur connubium. Quod cum maxime Tibi cordi sit, adeo ut Authorum præstantiorum monumenta nocte dieque evolvas, & defunctorum viscera sedulâ scruteris manu, multa à Te sperandi & felicia quævis ominandi suppeditas rationem. Movent me hi tui mores ut responsionem ad literas tuas primo Novembr. præteriti anni ad me datas differre ulterius nequeam, publicis etsi demonstrationibus, praxi fervente, rebusque familiaribus sim occupatus.

Revocas autem primum ad incudem *Nasi constitutionem cartilagineam* ab Anatomix peritis haud satis perspectam, atque descriptam, multo minus depictam; Omnes enim, ut benè mones, Experientissime Vir, quinque tantum constituunt partes Nasi car-

B

ti.

tilagineas, duas nempe superiores, atque latiores, Nasi partibus osseis adhærentes, tertiam inter hæc mediam partemque septi Narium cartilagineam constituentem, duasque inferiores, Pinna vocatas.

Verum si quis suspensâ manu perscrutinium hoc instituat, Nasi alas non in totum, sed de minori parte cartilagineæ esse substantiæ, atque hujus plures dari interruptiones, quam hætenus Anatomici docuere, deprehendet. Sub parte Nasi ossea, (quæ haud solum ex duobus ossiculis oblongo-quadratis, sed etiam laterali superiorique parte paris tertii ossium Maxillæ superioris constat) ablatis integumentis, conspiciendus *Nasi globus*, qui in duas partes facili negotio dehiscit, dummodo ligamento-si nexus auferantur, prout videre est Tab. 9. Fig. 5. A.

Hæc inter partes à se invicem nonnihil diductas in conspectum prodit *pars septi cartilaginea*, quam tertiam in ordine facit *Bartholinus*, *Spigelio* autem prima audit, eritque mihi quoque *prima Nasi cartilago*, quia impar, cæteræ autem in utroque latere duplices visuntur. Disperscit autem hæc Cartilago inferiorem Nasi partem in duas plagas, firmiterque cohæret parti septi narium osseæ, interveniente tenuiore membranoso vinculo, quod ab ulcere facillimè dissolvitur, quo factò Nasus deformem atque planam acquirit figuram. Hoc septum cartilagineum neutiquam parte sui inferiore & extrema acutum, sed rotundum existit, ut liquet Tab. 9. Fig. 6. & 7. Est quandoque incurvum & in decrepitis non solum in osseam degenerat substantiam, sed etiam sine medio unitur sæpius cum undecimo osse Maxillæ superioris, Vomere dicto. Præterea consideratione dignum judico, septum hocce narium cartilagineum, non solum investiri *Membrana Mucosa*, verum quoque sub hac immediate *Membranula tenuissima*. Hæc continuatio est periostii, Nasi partem osseam obducentis, atque *Perichondrium* dici meretur, dotaque deprehenditur suis arteriis, præprimis si claræ luci exposueris & subjectum novâ meâ methodo præparatum fuerit, sicuti nuper in Collegio privato ostendi, & Tab. 9. Fig. 8. exhibet. Membranulâ hac tenuissimâ dilaceratâ, aut abruptâ difficile nova regeneratur & multum negotii facessit Chirurgo. Illa autem, seu
tu-

tunica mucosa, septum obducens, Arteriosorum ramusculorum myriadibus superbit, ut, factâ accuratâ indagine, liquet Tab. 9. Fig. 6. Horum extremitates nuper ostendi adeo subtiles, ut instrumentis opticis vix attingi potuerint, unde mirum non est, tam frequenter digiti apice hæmorrhagiam excitari. Scatet quoque hæc tunica mucosa copiosis glandulis. Vid. Tab. 7. Fig. 7.

Secunda & Tertia Nasi cartilago Fig. 4. A. exhibitæ, triangulares, par primum constituentes, latere superiore connectuntur Nasi parti osseæ ope ligamentosi nexus, sensimque deorsum procedentes, parte anteriore in angulum acuminantur & parte inferiore excipiunt cartilaginem *Quartam & Quintam* seu par secundum, quæ ab aliis quidem neglectæ, sunt breves, latitudine tamen respondentes latitudini paris secundi supra memorati. Vid. Tab. 9. Fig. 4. B.

Cartilago Sexta & Septima par tertium constituentes, jamjam memoratis cartilaginibus nempe quartæ & quintæ, latere posteriore cohærent, suntque præter propter figuræ quadrangularis. Vid. Tab. 9. Fig. 4. C.

Sequuntur has *interruptiones cartilaginea Octava & Nona* seu par quartum, folia minora Periplocæ scandentis nonnihil æmulantes, quæ in utroque extremo sunt cuspidatæ & in appendiculam tenuem deorsum reflexam, foliorum dictorum pediculo sub similem, desinentes, circa finem tandem proxime sibi appropinquant & lateri utrique septi adstant, ceu pediculi foliorum costæ, desinuntque in crenam labii superioris Vid. Tab. 9. Fig. 4. D.

Portio reliqua maximam *Pinnarum* partem in utroque latere constituens, non cartilaginea, sed mere membranacea est, quamvis satis crassa. - Vid. Tab. 9. Fig. 4. E.

Quod verò secundum literarum tuarum momentum attinet, Experientissime Vir, nempe vasorum sanguineorum membranam Tympani perreptantium delineationem, difficile hoc negotium fateor toties à me exegisti, ut æquo vultu diutius illud Tibi denegare nequeam, arduum tamen omnino fuit, non solùm dicta vasa in conspectum producere, sed & propter subtilitatem, delineationem eorundem moliri; quare ne credas, quæso, omnes

famulorum reptatus in annexâ figurâ nonâ repræsentari, id quod prorsus impossibile esse reor.

Notari itaque primo loco velim reptatum eorum prorsus diversum esse ab eo, qui conspicitur in membrana tenuissima capsam obducente. Secundo loco sciendum, me Mense Septembris præteriti anni, quando demonstrationes publicas in puerorum cadaveribus, triennio abhinc balsamatione meâ vividis & nitidis conservatis, celebrarem, demonstraſſe, membranam Tympani ex duabus lamellis constare, superiorem verò memſem tertiam etiam detexiſſe, quam in museo meo cuilibet ostendere poſſum; vascula autem sanguinea non per extimam disseminari, sed prout hætenus offendere mihi licuit, per mediam, ita ut conjiciendum sit, hæc vascula peculiari prospicere provinciæ, & rarò si unquam communicare cum vasis capsam perreptantibus. Porro notandum, vasa illa arteriosa per membranam Tympani densissimâ ramificatione dispersa, proprium quoque sibi vindicare reptatum; deferuntur enim à centro aut medio Tympani ad circumferentiam, trunculus autem horum centrum, aut medium adiens maximâ de parte originem suam debet ramulis Arteriarum Caroticarum externarum à latere musculi Malleoli externi incedentium. Vid. Tab. 9. Fig. 9.

Circa vascula sanguinea, membranæ tenuissimæ Capsæ seu Tympani cavitatis prospicientia, mirabilem & prorsus alienum ab Authorum figuris reptatum jucundissimo nuper spectaculo in collegio privato ostendi, ceu etiam delineavi Tab. 9. Fig. 10. ubi membrana illa ex Capsâ desumpta, & in planum expansa conspicitur, ut eo accuratius in conspectum producantur illa vasa.

Quæ de necessitate Perioſtii Officulorum auditus, Vir Experientissime, solidis argumentis edisseris, applausum merentur, & adeo Autopsia confirmantur, ut asserere Tibi queam, me Officula hæc perioſtio neutiquam priva ante triennium vel quadriennium detexiſſe, idque casu, vascula enim sanguinea per dicta officula distributa, & Fig. 1. expressa, invento huic anſam ſuppeditabant, id quod unus ex discipulis meis, tunc temporis loco Corollarii Disputationi suæ adjiciebat.

Sed

R E S P O N S I O.

13

Sed avocant cum calamo animum ad alia labores mei & negotia, quibus eò magis morem gero, quod firmiter mihi persuadeam me hisce tuis petitis pro viribus satisfecisse, dubiaque tua dissipasse, qui unicus Responsionis meæ finis erat, de quo ficuti Te certum esse volo, ita nullam prætermittam occasionem, qua notum reddere queam, quantum Te amem, quamque sincero animo sim

Experientissime Vir,

Dab. Amstelod. die
16 Januar. 1697.

Tibi, tuisque Studiis addictus

FREDERICUS RUYSCHIUS.

EXPLICATIO TABULÆ NONÆ.

FIGURA PRIMÆ.

Representat Officula auditus in situ naturali perioftio munita, Vasculisque Sanguineis ditata: Suntque hic delineata multis numeris majora, ut Vasa Sanguinea eò magis sensus incurrerent.

A. Malleolus.

C. Stapes.

B. Incus.

D. Quartum Officulum auditus.

FIGURA SECUNDÆ.

Eadem Officula proponit naturali magnitudine, idque è corpore adulti.

FIGURA TERTIÆ.

Eadem Officula è capite fœtus hum. jamjam nati, quæ magnitudinem in adulto ferè æquant.

FIGURA QUARTÆ.

Quatuor proponit interruptiones Cartilagineas Nasi, lateris sinistri.

A. Unam ex primo & supremo pari visui exhibet.

D. Unam ex quarto pari.

B. Unam ex secundo pari.

E. Pars membranacea, unius pin-næ Nasi.

C. Unam ex tertio pari.

FIGURA QUINTÆ.

Nasum cum portione Ossium frontis & maxilla superioris exhibet, cujus globus in 2 partes dehiscit, nexum membranaceo dissoluto. Suntque integumenta Nasi exteriora ablata.

A.A. Globus in 2 partes dehiscens. B. Portio Septignarium.

FIGURA SEXTÆ.

Septum Narium representat, cum involucro mucoso, suisque Vasis Arteriosis, suntque dictæ arterioli longe plures, quam hic delineare potui.

A. Portio ossis frontis.

biens, suntque numerosiores,

B. Septum Vasis arteriosis super-

quam expressi.

FIGURA SEPTIMÆ.

Dictum septum indigitat cum suo involucro mucoso, glandulis innumeris prædito, quarum Oscula hiantia Visui sese exhibent.

FIGURA OCTAVÆ.

Membram tenuissimam sub involucro mucoso, seu membrana papillosa sitam, septumque Narium immediatè investientem Vasisque Sanguineis instructam, demonstrat.

FIGURA NONÆ.

Membrana tympani Arteriosa Vascula exhibet.

A. Ramulus rami Arteriæ Carotidis exterioris.

B. Ejusdem distributio per membranam Tympani.

FIGURA DECIMÆ.

Reptatum Arteriolarum per membranulam capsam succingentem demonstrat.

